

UFFICINA INCONTRO BUTTEGA

STATÜTS

da la societed

Societed MOVIMENTO

A. NOM, DOMICIL E MERA

- art. 1 Cul nom Societed MOVIMENTO (in segua numneda „Societed“) vain mneda üna societed seguond art 60 e seguaunts dal CCS cun domicil a Samedan.
- art. 2 La società ha in mera la construcziun e la gestiun da la spüerta d'abitar e d'occupaziun per umans cun impedimaints o per umans in situaziuns da vita difficilas e tillas sustegna pro l'integrazion sociala e professiunala. Las spüertas valan in prüma lingia per persunas da l'Engiadina, Bergiaglia, Puschlav, Val Müstair e Samignun. Las intrapraisas vegnan manadas tenor princips economics. La società s'ingascha eir per ulteriurs interess da conumans cun impedimaints.

B. COMMEMBRANZA

- art. 3 Mincha persuna singula u giuridica po dvanter commember da la Societed.
- art. 4 Commember as dvainta in pajand la contribuziun annuela.
- art. 5 Ils commembers arcugnuoschan ils interess e las decisiuns da la Societed e defendan ils interess da quella.
- art. 6 Mincha commember ho üna vusch a la radunanza generela.

C. ORGANISAZIUN

I. Radunanza generela (RG)

- art. 7 La radunanza generela es l'organ superieur da la Societed. Ella vain convocheda almain üna vouta l'an. L'invid cuntegna eir la glista da tractandas. Mincha commember survain la bannida in scrit almain duos eivnas ouravaunt.
- art. 8 La radunanza generela tscherna il president / la presidenta e ils ulteriuors commembers da la suprastanza. Ella decida revisiuns dals statüts, approva il quint da gestiun e do dis-charg. Impü fixa ella las contribuziuns annuelas dals commembers e'l ram da cumpetenza da la suprastanza pel preventiv e per las investiziuns annuelas.

MOVIMENTO

Platz zum Arbeiten, Raum zum Leben
Luogo di lavoro, spazio per vivere
Lö da lavor, spazi per viver

Verein MOVIMENTO
Associazione MOVIMENTO
Società MOVIMENTO

Via Nouva 1, 7503 Samedan
Telefon 081 851 12 12, Fax 081 851 12 13, info@movimento.ch
Postcheckkonto: 70-811-4, www.movimento.ch

UFFICINA INCONTRO BUTTEGA

II. Suprastanza

- art. 9 a) La suprastanza consista our da president(a), vicepresident(a), actuar(a), chaschier(a) e trais fin tschinck assessuors / assesssuras. Ella as constituescha cun excepziun da la funcziun dal president / da la presidente svess. Las ordinaziuns dal Chantun Grischun a regard la cumposiziun da la suprastanza sun da resguarder.
- b) Las singulas valledas dessan per regla esser rapreschantedas illa suprastanza.
- c) La suprastanza vain tschernida per üna perioda d' uffizi da trais ans. Tar tschernas extraordinarias as vain tschernieu pel ulteriur temp da la perioda d' uffizi. La suprastanza ho d'accumplir las decisiuns da la Societed e las lezchas chi la sun dedas tenor ils uordens e las ledschas. Ella relascha ils reglamaints necessaris.
- d) La suprastanza decida in tuot las fatschendas chi nu nu staun illa cumpetenza dad oters organs da la Societed.
- e) Per evader incumbenzas specielas po tscherner la suprastanza cumischiuns.
- f) Pella Societed paun suottascriver cun suottascripciu collectiva il president/la presidenta u il vicepresident/la vicepresidenta insembe cul actuar/actuara, chaschier/chaschiera u cul mneder/mneder da gestiun.
- g) La suprastanza approuva ils preventivs.

III. Cumischiun da controllo da gestiun (CCG)

art 10¹ Cumischiun da controllo da gestiun CCG

¹Abolida a la 35. radunanza generala ordinaria dal 16.06.2021, cun effect dal 16.06.2021.

IV. Post da revisiun

- art. 11 Per reveder il bilauntsch e'l quint annuel vain ingascoho ün post da revisiun privat chi vain tschernieu da la suprastanza per trais ans. Dovairs, abitled ed indipendenza dal post da revisiun as drizzan zieva las prescripcions giuridicas d'aczias dal Dret d'obligaziuns svizzer. Il post da revisiun rapportescha annuelmaing a la radunanza generela.

D. STIPULAZIUNS GENERELAS

- art. 12 Per decider da schoglier la Societed voul que la magiuraunza da 2/3 da tuot ils commembers. A quista radunanza haun da gnir invidos ils commembers in scrit. La tractanda „Schoglier la societed“ ho da figurer expressamaing scu tractanda separeda.

In cas cha ad üna prüma radunanza generela nu sun preschaints 2/3 dals commembers, stu gnir bannida üna seguonda radunanza seguond il listess proceder. A quella radunanza drouva que per decider da schoglier la Societed üna magiurited da 2/3 dals commembers preschaints. Ils mezs da la Societed scholta stöglan gnir druvos culla listessa mera i'l Grischun dal Süd. Scha que nu füss pussibel immediatamaing, vegnan ils mezs depositos tar l'uffizi chantunel cumpetent cul dovair dad impuoner quels per üna mera sumgianta illa regiun.

- art. 13 Impü sun d'applicher adequatamaing las prescripcions dal CCS art. 60 e seguants.

Quists statüts sun gnieus appruvos a la 35avla radunanza generela dals 16 gün 2021 e rimplazzan ils statüts da la radunanza dals 17 gün 2013.

Societed MOVIMENTO

Prisca Anand
La presidenta

Dr. Karin Hänni
La maneder da gestiun

MOVIMENTO

Platz zum Arbeiten, Raum zum Leben
Luogo di lavoro, spazio per vivere
Lö da laver, spazi per viver

Verein MOVIMENTO
Associazione MOVIMENTO
Società MOVIMENTO

Via Nouva 1, 7503 Samedan
Telefon 081 851 12 12, Fax 081 851 12 13, info@movimento.ch
Postcheckkonto: 70-811-4, www.movimento.ch